



15.10.2024

UKA2024/128

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Peqqinnissaqarfik Region Nord patienthoteleqalernissaa pillugu Naalackersuisut UPA2025-mut agguaassassamik nalunaarusioqqullugit peqquneqarnissat pillugu Inatsisartut aalajangiiffigisassaattut siunnersuut.

(Inatsisartunut ilaasortaq Aqqalu C. Jerimiassen, Atassut)

Inatsisartunut ilaasortap Aqqalu C. Jerimiassen, Atassut-meersup siunnersuutaanut siumuminngaaniit imaatsumik oqaaseqassaagut.

Siumuminngaaniit peqqinnissaq pillugu ataatsimiititaliarsuup ingerlanerani maliinnaalluta ilaqutariinnermut peqqinnermullu ataatsimiititaliaminngaaniit suliaqartunut aggersaasoqarneratigut suliat pillugit paasisaqarusulluta malinnaatinneqarsimavugut. Soorunalimi ataatsimiititaliami malinnaatitsisarnitsinni paasisaqarusuttunut tamakkiisumik paasissutissanik iluatsitsisoqartarsimangillat ataatsimiititaliarsuummi suliamik ingerlataqarnerminni killiffimminnik annertunerusumik oqaatiginnittoqarsinnaasangimmat. Taamaammat pissangallunga qilanaarlutalu suliaqartut naammassinissaannut utaqqiinnartariaqarsimanikuuvugut.

Peqqinnermut ataatsimiititaliarsuaq suliaminnik naammassinnillutik inatsisartuni aggersaallutik qaaqqusimmata siumumiit pissangalluta malinnaasimavugut. Ataatsimiititaliarsuup saqqummiinnermini innersuussutit 100 sinneqartut politikkerinut innersuussutiginiikuvaat. Innersuussutillu taama amerlatigisut pilersinneqarnissaallu millionerpassuarnik naleqarmata, pingaartinneqarpoq siunissamut pilersaarusiortuarluni suullu siulliunneqarnissaannik sapinggisamik politikkerit isumaqatigiillutik ingerlatsisoqarnissaannik suliaqartoqassasoq. Tamasumalu kingornatigut Naalackersuisut pilersaarusiortulutik aallartinnikuupput, partiinullu ataasiarnatik naapitseqattaarlutik suut pingaartutut siulliunneqarnissaannik tusarniaasarlutik.

Qujanartumillu massakut inatsisartuni ilaasortap Aqqalu C. Jerimiassen, Atassut-meersup siunnersuutaanut tunngasumik Naalackersuisut pitsanngorsaanissamut aningaasanik immikkoortitsinikuullutik oqaatigivaat. Siumuminngaaniillu Naalackersuisut pitsanngorsaanissaanik aningaasanik immikkoortitsinerat nuannaarutigalugu qujagullugillu oqaatigissuarput. Siumuminngaaniimmi pingaartittuaratsigu avannaani nakorsiartut toqqissisisimaffigisinnaasaannik inissisimaffeqarnissaannik pitsaasumik inissaqartinneqarnissaat.

Siumuminngaaniit taama naatsumik oqaaseqarluta siunnersuuteqartumullu paasinnilluta suliat Naalackersuisuniit aallartinneqareermata siunnersuut ilalersinnaanagu oqaatigerusupparput



Mala Høy Kúko

Siumut